

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik
Broj: 02/12-19-21752/23
Sarajevo, 27.11.2023. godine

Na osnovu člana člana 64. stav (1) tačka b) i člana 70. stav (1), (3) i (6) Zakona o javnim nabavkama („Službeni glasnik BiH“, br. 39/14 i 59/22), člana 6. Ugovora o sanaciji i rekonstrukciji vodovodne mreže objekata u SOS dječijem selu Sarajevo broj 02/08-19-27299/22 od 30.12.2022.godine i Pravilnika o nabavci roba, vršenju usluga i ustupanju radova broj: 02/12-45-25701/22 od 10.12.2022.godine, a na preporuku Komisije za javnu nabavku radova, Općinski načelnik donosi

ODLUKU

Izvođenje radova na rekonstrukciji vodovodne mreže u SOS Dječijem selu Sarajevo

I

Prihvata se preporuka Komisije za javnu nabavku radova i okvirni sporazum u postupku javne nabavke – Izvođenje radova na rekonstrukciji vodovodne mreže u SOS Dječijem selu Sarajevo, broj obavještenja 422-1-3-238-3-265/23, objavljeno na Portalu javnih nabavki dana 28.9.2023. godine, i “Službenom glasniku BiH- Oglasnik javne nabavke”, br.69/23 od 06.10.2023.godine, dodjeljuje se ponuđaču „HIDROM“ d.o.o. Vogošća sa ponudenom cijenom za okvirni sporazum u iznosu od 127.600,00 KM bez PDV-a, odnosno 149.292,00 KM sa PDV-om.

II

Zadužuje se Služba za zajedničke poslove da ovu Odluku objavi na web stranici Općine www.novigradsarajevo.ba, istovremeno sa upućivanjem iste ponuđačima koji su učestvovali u postupku javne nabavke u skladu sa članom 70. stav (6) Zakona o javnim nabavkama, te da nakon isteka žalbenog roka pripremi okvirni sporazum i dostavi Općinskom načelniku na potpis.

III

Obavezuje se ponuđač iz člana I ove Odluke da u roku od 5 (pet) dana od dana zaprimanja iste, dostavi dokumentaciju traženu tačkom 3.1.3. koja se odnose na član 45. stav (2) tačka od a) do d) Zakona i dokumentaciju traženu u tački 3.3.2. tenderske dokumentacije koja se odnosi na ekonomsku i finansijsku sposobnost. Dokazi koje će dostaviti odabrani ponuđač moraju biti originali ili ovjerene kopije i ne mogu biti stariji od 3 mjeseca, računajući od dana utvrđenog kao krajni rok za predaju ponuda.

Obrazloženje

Odlukom broj 02/12-19-21752/23 od 27.9.2023.godine Općina Novi Grad Sarajevo pokrenula je otvoreni postupak javne nabavke Izvođenje radova na rekonstrukciji vodovodne mreže u SOS Dječijem selu Sarajevo, broj obavještenja 422-1-3-238-3-265/23, objavljeno na Portalu javnih nabavki dana 28.9.2023. godine, i “Službenom glasniku BiH- Oglasnik javne nabavke”, br.69/23 od 06.10.2023.godine.

Predmetni postupak javne nabavke pokrenut je sa Gradom Sarajevo na osnovu člana 6. Ugovora o sanaciji i rekonstrukciji vodovodne mreže objekata u SOS dječijem selu Sarajevo broj 02/08-19-27299/22 od 30.12.2022.godine. Procijenjena vrijednost nabavke je 128.205,12 KM bez PDV-a, odnosno 150.000,00 KM sa PDV-om.

Rješenjem Općinskog načelnika broj 02/02-04-24034/23 od 10.10.2023 godine formirana je Komisija za provođenje predmetnog postupka nabavke, od čega su četiri člana Komisije predstavnici Općine, a jedan član Komisije predstavnik Grada Sarajevo. Komisija je na sjednici Komisije održanoj dana 20.10.2023. godine usvojila Poslovnik o radu Komisije za provođenje postupka predmetne javne nabavke i potpisala izjave o povjerljivosti, nepristrasnosti i nepostojanju sukoba interesa i nepostojanju drugih prepreka u skladu sa Zakonom o javnim nabavkama BiH.

Zapisnikom o otvaranju ponuda od 20.10.2023. godine Komisija je konstatovala su u predviđenom roku, u propisno upakovanim kovertama, pristigle tri (3) ponude ponuđača:

1. konzorcij „HYDRA“ d.o.o Ilidža i „EKO TEH“ d.o.o. Sarajevo
2. “TED INVEST” d.o.o. Sarajevo
3. “HIDROM” d.o.o. Vogošća

Zapisnik sa otvaranja ponuda dostavljen je ponuđaču na fax u zakonom predviđenom roku.

Nakon što je Komisija utvrdila da su pristigle tri ponude, pristupila je analizi i procjeni dokumentacije kojom ponuđači trebaju dokazati svoju kvalifikovanost za učešće u ovom postupku.

Komisija je utvrdila da ponuda grupe ponuđača „HYDRA“ d.o.o Ilidža i „EKO TEH“ d.o.o. Sarajevo ne ispunjava kvalifikacioni uslov tražen u tenderskoj dokumentaciji iz tačke 3.4.1. (b) tehnička i profesionalna sposobnost: *da ponuđač u radnom odnosu na neodređeno vrijeme ima zaposlenog jednog diplomiranog inženjera – građevinske ili arhitektonske struke sa položenim stručnim ispitom i 5 /pet/ godina radnog iskustva u struci*”, a što se dokazuje shodno tački 3.4.2. b) tenderske dokumentacije: *Dokaz izdat od PIO ili MIO ili Porezne uprave da ponuđač u radnom odnosu na neodređeno vrijeme ima zaposlenog jednog diplomiranog inženjera - građevinske ili arhitektonske struke sa datumom izdavanja ne starijim od 30 dana računajući od dana utvrđenog kao krajnji rok za predaju ponuda (original ili ovjerena kopija)* . Komisija je utvrdila da je ponuđač kao dokaz da ispunjava uslove iz navedene tačke tenderske dokumentacije dostavio kopiju diplome za zaposlenog inženjera na neodređeno vrijeme koju je izdao Građevinski fakultet Univerziteta u Sarajevu. Uvidom u dostavljenu diplomu Komisija je utvrdila da se ista odnosi na završeni studij za sticanje više stručne spreme tj. na stečenu akademsku titulu građevinski inženjer a ne diplomirani inženjer građevinarstva, a tenderskom dokumentacijom zahtijevan je dokaz da ponuđač u radnom odnosu na neodređeno vrijeme ima zaposlenog diplomiranog inženjera arhitektonske ili građevinske struke.

Nadalje u Obrascu za ponudu Aneks 2 ponuđač nije pravilno ispunio podatke za sve članove konzorcija kako je to bio obavezan učiniti u skladu sa tenderskom dokumentacijom, već je upisao podatke samo za jednog člana konzorcija a u Obrascu za ponudu Aneks 2 stoji da *Ukoliko ponudu dostavlja grupa ponuđača, upisuju se isti podaci za sve članove grupe ponuđača, kao i kada ponudu dostavlja samo jedan ponuđač, a pored naziva ponuđača koji je predstavnik grupe ponuđača upisuje se podatak da je to predstavnik grupe ponuđača*. Komisija je konstatovala da ponuđač nije ispunio obrazac za cijenu ponude Aneks 2 u skladu sa tenderskom dokumentacijom te je odbacila ponudu grupe ponuđača HYDRA“ d.o.o Ilidža i „EKO TEH“ d.o.o. Sarajevo shodno tački 4.1.1. Priprema ponuda gdje stoji da su ponuđači obavezni da pripreme ponude u skladu sa uslovima koji su utvrđeni u ovoj tenderskoj dokumentaciji. Ponude koje nisu u skladu sa ovom tenderskom dokumentacijom bit će odbačene kao neprihvatljive, sve u skladu sa članom 68.Zakona.

Iz naprijed navedenih razloga utvrđeno je da grupa ponuđača HYDRA“ d.o.o Ilidža i „EKO TEH“ d.o.o. Sarajevo ne ispunjava uslove tražene u tenderskoj dokumentaciji iz tačke 3.4.1. pod b. – tehnička i profesionalna sposobnost i tačke 4.1.1. odnosno da je nepravilna, te je ponuda odbačena shodno odredbama člana 68. stav (4) tačka i) Zakona o javnim nabavkama

Komisija je pristupila analizi preostalih ponuda te utvrdila da dostavljene ponude ispunjavaju kvalifikacione uslove tražene u tenderskoj dokumentaciji. Komisija je izvršila računsku kontrolu te utvrdila da su dostavljene ponude računski ispravne.

Shodno naprijed navedenom Komisija je utvrdila preliminarnu rang listu ponuđača, a prije provođenja e-aukcije, i to kako slijedi:

1. “TED INVEST” d.o.o. Sarajevo sa ponudenom cijenom za okvirni sporazum u iznosu od 127.982,79KM bez PDV-a,
2. “HIDROM” d.o.o. Vogošća sa ponudenom cijenom za okvirni sporazum u iznosu od 128.098,30 KM bez PDV-a,

Tenderskom dokumentacijom u tački 1.5.5. i 5.5. predviđeno je provođenje e-aukcije, te je u skladu sa Pravilnikom o uslovima i načinu korištenja e-aukcije („Službeni glasnik BiH“, br. 66/16) zakazano održavanje e-aukcije na Portalu javnih nabavki BiH za dan 09.11.2023. godine sa početkom u 13:00 sati. Nakon okončane e-aukcije za predmetnu nabavku, a na osnovu Izvještaja o toku i završetku e-aukcije broj postupka 422-1-3-238/23 od 09.11.2023.godine, Komisija je utvrdila da konačna rang lista ponuđača koji su učestvovali na e-aukciji izgleda kako slijedi:

1. “HIDROM” d.o.o. Vogošća sa ponudenom cijenom za okvirni sporazum u iznosu od 127.600,00 KM bez PDV-a,
2. “TED INVEST” d.o.o. Sarajevo sa ponudenom cijenom za okvirni sporazum u iznosu od 127.982,79KM bez PDV-a,

U skladu sa članom 8. stav (3) Pravilnika o uslovima i načinu korištenja e-aukcije izvršeno je umanjenje za svaku poziciju tehničke specifikacije za procenat koji iznosi konačno procentualno umanjenje cijene postignute nakon e-aukcije, tako da ponuđena cijena za okvirni sporazum ponuđača "HIDROM" d.o.o. Vogošća iznosi 127.600,00 KM bez PDV-a, odnosno 149.292,00 KM sa PDV-om, o čemu je ponuđač dostavio saglasnost broj 99/23 dana 21.11.2023. godine.

Shodno naprijed navedenom Komisija je donijela preporuku za zaključenje okvirnog sporazuma za predmetnu nabavku sa ponuđačem „HIDROM” d.o.o. Vogošća.

Imajući u vidu da je Komisija u cijelosti pravilno provela postupak i da je izbor ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, to se prihvata preporuka Komisije za javnu nabavku radova, te je shodno odredbama člana 64. stav (i) tačka b) Zakona o javnim nabavkama odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od 10 (deset) dana prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila: Anisa Bešlić, sekretar Komisije

DOSTAVITI:

1. Ponuđačima u postupku
2. Služba za zajedničke poslove
3. Komisija za javne nabavke radova

Općinski načelnik
mr. Semir Efendić

